



Հովհաննես Հովհաննիսյան

Հայրական երգ

Մի երգ գիտեր հայրս մանկու՞թ իմ օրով,
Որ մինչև հիմա հագիվ իմ միտքն է գալիս
Իր պարզունակ և իմաստուն մի տողով
«Բայց ես դարձյալ ծիծաղում եմ, չեմ լալիս»,

Այդ երգով է նա տուն գալիս բեգարած,
Հպարտ մեզնով ու մեր հրաշք մայրիկով,
Տակ տաշեղի, փայտի բույրը հետ առած,
Թեկուզ անվարձ, թեկուզ օրվա կարիքով:

Շենց այդ երգն էր դողում նրան շրթունքին,
Երբ նա ընկած Ռեանդուզի ճակատում՝
Փաթաթվում էր բազկի վերքը ու կրկին
Հայոց տխուր հույսերին էր հավատում:

Այդ երգով էր ասպետորեն գորանում,
Երբ խաբվում էր սիրած մարդու հավատից,
Մն գինու մեջ սփռված էր որոնում
Ու երգում էր, ու երգում էր ցավագին:

Այդ երգով էր ամեն գիշեր մտնում քուն,
Երբ իր որդին մարտերում էր սեակնած . . .
Այդ երգը միշտ երգեց անբողջ իր կյանքում

Ու երևի այդ երգով էլ նա գնաց . . .

Ա՛խ, հայկական երգ իմ, ինչու ես քնել.
Այնքան ես պետք այսօր սրտիս ու ցավից,
Այնպես կուգեմ հիմա քո տողը կրկնել,
Որ ես դարձյալ ծիծաղում եմ, չեմ լալիս,
Որ ես դարձյալ ծիծաղում եմ, չեմ լալիս . . .